



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Հասցե՝ ք. Երևան

«19» «Հունվարի» 2017թ.

ՈՐՈՇՈՒՄ N 01/09

Հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթակա գումարը գանձելու մասին

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով Ա/Ձ Արեն Դանիելյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների Ա/Ձ Արեն Դանիելյանի (ՀՎՀՀ 66935558, հասցե՝ Լոռու մարզ գ. Մարգահովիտ 10 2, պետական գրանցման համարը՝ 62.870273) հարկային մարմնի կողմից վերահսկվող եկամուտների գծով չկատարված պարտավորությունը 22.12.2016 թվականի դրությամբ կազմել է 162.184 դրամ, որից եկամտային հարկի ապառք՝ 12.460 դրամ, տույժ՝ 3.901 դրամ, հաստատագրված վճարի ապառք՝ 110.976 դրամ, տույժ՝ 34.847 դրամ:

Վերոհիշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Ա/Ձ Արեն Դանիելյանի չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին 04.01.2017 թվականին Ա/Ձ Արեն Դանիելյանը պատշաճ կերպով ծանուցվել է: Չնայած պատշաճ ծանուցման հանգամանքին, ձեռնարկատերը չի ներկայացրել որևէ բացատրություն, առարկություն չի հայտնել: Սակայն կատարել է մասնակի վճարում 44.000 դրամի չափով: Արդյունքում ձեռնարկատիրոջ հարկային պարտավորությունները կազմում է 118.184 դրամ, որից եկամտային հարկի ապառք՝ 7.460 դրամ, տույժ՝ 3.901 դրամ, հաստատագրված վճարի ապառք՝ 71.976 դրամ, տույժ՝ 34.847 դրամ: Նշված հարկային պարտավորությունից 7.460 դրամը առաջացել է 2016թ.-ի սեպտեմբերից նոյեմբեր ամիսների եկամտային հարկի ամսեկան կանխավճարային գումարներից, 71.976 դրամը առաջացել է 2016թ.-ի սեպտեմբերից նոյեմբեր ամիսների հաստատագրված վճարի ամսեկան հաշվարկներից: Գանձման ենթակա չկատարած պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են գանձման:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են

կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը:

Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29.1, 23 հոդվածներով, «Հարկային ծառայության մասին» ՀՀ օրենքի 4-րդ հոդվածի 11-րդ մասով, «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Ա/Ձ Արեն Դանիելյանից գանձել 118.184 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակը եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Handwritten signature



Ա. ՄԵԱՅԱԿԱՆՅԱՆ

Ստացա որոշման օրինակը

ստորագրություն հարկ վճարողի (կամ ֆիզ. անձ) պաշտ. անձի անուն, ազգանուն ամսաթիվ